

www.BibleForChildren.org




उत्प 6




नोहाआ पारवाड ए होय. नोहू धर्मी माटी
आन तियाआ वेलेए माअहंमेहें खोरु
ओतू; आन नोहू देवोअरीज आरी आरी
सालतु रोयू. आन देवे धरतीपोअ नजर
टाक्यी ताहां की देख्यो के ते बिगडीत
गोयीही; काहाके आखे जनवारे


धरतीपोअ तियां तियांआं
वेवारो
बिगाडीत
लेदोतो.




ताहां देवे नोहाहा कोयो, “आखा जनवारोहो
आरवीइलोअ प्रश्न माआ सामने आयोहो; काहाके
तियांआं वाखरी धरती तारासो वाअहीं पोआइत
गोयीही, तियाहा काजे आंय तियांहां धरतीइ
आरीज आरवीत टाकनारु.”



“तियाहा काजे तू गोफेर साड़ोअ लाकड़ाआ एक जाहाज
बोणावीत ले, तियामेहें खुल्यी बोणावजी, आन
मायते-बारथे तियीपोअ डांबन्यो लागाइजी.”




एहें कोइत तू तियाहा बोणावजी:
जाहाज तिन होव आथ नांबी,
पोन्नास आथ पोली, आन तीस
आथोअ उसी लेजी.



“आन राज्या राज्यामेहें ओन जों
खातेहे, तियांहां तू लेत कोइत ताआ
जागे टोलू मिकजी; जो ताआ आन
तियांआं खाअलोअ काजे रोय.”




आन आखा जिवता जनवारोमे-येए तू एकेक जातीइ नर-मादा
जाहाजीमेहें लेत जात कोइत तुमाअरी जिवते मिकजा.




आखी जातीइ सोका जनवारो मेऱ्येए ते तू हांत हांत
जोड़वे मोन्ज्ये नर आन मादा लेजी; पोन
जो जनवारे सोके कायनाहां, तियांमेऱ्येए
बेन बेन लेजी, मोन्ज्ये नर आन मादा.






नोहू तियाआ पोऱ्या, लाडी,
आन वोवड़ीह्हीहीं आरी लेत
कोइत रेलेम रेत वासाइलाअ काजे
जाहाजेम गोयु.





जाहां नोहाआ वय सोव होव वोरह्योअ
दुसरा मोयनाआ सात्रावू दिही आयू; तेदिहींज
वोडा उंडा दोन्याआ आखा उकला फुटीत निहीया
आन जुगोअ पाअयोंअ बाअणे उगड़ीत गोये.





आन वोरहात सालीही दिहीन सालीही रात्यी
एक सारकू धरतीपोअ ओवतू रोयू.




पाईं वादतो वादतो धरतीपोअ जास्तीज
वादीत गोयो, आन जाहाज पाअयोंपोअ
तोरंगाअती रोयी.




पाईं धरतीपोअ खुबुज वादीत गोयो, एतोह जाआं के पुरी धरतीपोअ
जेत्ता वोडा वोडा डोगोअ ओता, आखा बुडीत गोया. जें जें धरतीपोअ
ओते, तियांमेऱ्येए जेत्ताआ नाकोमेहें जिवनोअ हावा ओती,
तें आखे आरवाइत गोये.



पोन देवे नोहाआ आन जेते जोंगल्ये जनवारे आन
कोन्येए जनवारे तियाअरी जाहाजेम ओते, तियां
आखाआ ओर मिक्की: आन देवे धरतीपोअ वारो
वादाइयो; आन पाई आटाओ वोल्यो;



फाशयोअ एहेलोहो ओवो के सालीही दिहोअ फासाड़ी नोहे
तियाआ बोणावल्ली जाहाजेए खिड़की




उगाड़ीत कोइत, फाशोअ तिये
धरतीपोअ रोत पाई आटाइत
गोयोहो के नाहां तों पालीइलोअ
काजे तियाआ जागे रोत एकी
पेरवीही बी उडाड़ी देदी.



आन दुसरा मोयनाआ सात्ताविसवे दिही धरती पुरीज उगाइत गोयी.
ताहां देवे नोहाहा कोयो, “तू ताआ पोऱ्या, लाडी, आन वोवड़ीह्ही
नेहें जाहाजेम रेत निहीत आवा.”



ताहां नोहे यहोवा देवोअ काजे एक देवान्यो बोणायो; आन आखा सोका
जनवारोअ आन आखा
सोका सिडामेन्येए थोड़
थोड़े लेत कोइत
देवान्यापोअ गाराहा कोअये.





फाश्योअ देवे कोयो,
“जे शप्पत आंय तुमाअरी,
आन जेते जिवते जनवारे
तुमाअरी होय यां आखाअरी
बी हादाजोलम्यीइ पिडीइ
काजे लेहो, तियीइ ए निशाणी होय:
आंय वाद्लामेहें माआं बाण मिक्यीही,

ते माआं आन धरतीइ
विसमेहें शप्पतेए
निशाणी रोये.”






“आन जाहां आंय
धरतीपोअ वाद्लो
पसरावीहीं ताहां
वादलाम बाण देखाये. ताहां
माआं जे शप्पत तुमाआं आन
आखा जिवता जनवारोअ आरी
लेदीही; तियीही आंय ओर कोअहीं,

ताहरूउ एहेलिही रेल
फाशीइ ने ओवे जियी
वाअहीं आखे जनवारे
ने आरवाय.”



ताहरूउ देवे नोहाहा आन
तियाआ पोऱ्याहां आशिर्वाद आप्यु आन
तियांहां कोयो, “फुला-फलान वादीत जावा,
आन धरती पोअ पोआइत जावा. नोहाअ
पोऱ्या जे जाहाजेम रोट निहीया, ते शेम,
हाम, आन येपेत ओता; आन हाम
कनानोअ आब्हु बोण्यु. नोहाअ
तिन पोऱ्या एज
होय,

आन यांआं वंश पुरी
धरतीपोअ पसरीत गोयो.”



काहाके देवे दुन्यापोअ एतीही मेर कोअयी के,
तिये तियाआ एखलू बेटुहू आपी देदू, एताआ
काजे के जो कोडो तियापोअ विश्वास मिके, तो
ने आरवाअहूं जोवे, पोन तियाहा
हादाजल्म्योंअ जिवन
जोड़ुहू जोवे.



रोम 3:23 काहाके आखाज पाप कोअयुह, आन देवोअ महिमा रोत सेटे ओत गोयेहे.

रोम 6:23 काहाके पापोअ मोजरी ते मोत होय, पो न देवोअ वरदान आपाआ प्रभु ख्रिस्त ईसुमेहें हादाफल्योअ जिवन होय.

इब्री 9:27 आन जेहलोहो मोनवीइ एकुज वारी मोइलो तिहींरोत न्यायनिवाडु ठरवीत मिक्युह.

इफिस 2:8,9 काहाके देवोअ मेरवानी वाअहींज विश्वासोअ वाखरी तुमू वासाअयेहे; आन ओं तुमा वाअहीं नाहां ओवो, पो न देवोअ भेट होय, आन ओं नाहां आपाआ कामों वाअहीं, एहलोहो ने ओवुहं जोवे के एखु वोडाय कोए.

रोम 10:9,10 काहाके जर तू ताआ सोबी वाअहीं ईसु प्रभु होय कोत कबुल कोअही आन देवे तियाहा मोल्या मेहें रोत जिवाइयुह एहेलुह विश्वास कोअही, ताहां तू हुदाअलीज वासात जाही.



जों मोनोवाअहीं विश्वास कोअहे तों धर्मी ठरेहे, आन जों सोबी वाअहीं कबुल कोअहे तियाहा तारण जोड़ेहे.

योहान 3:16,17 काहाके देवे दुन्यापोअ एतीही मेर कोअयी के, तिये तियाआ एखलू बेटुहू आपी देदू, एताआ काजे के जो कोडो तियापोअ विश्वास मिके, तो ने आरवाअहूं जोवे, पोन तियाहा हादाजल्म्योंअ जिवन जोड़ुहू जोवे. देवे तियाआ बेटाहहाहा दुन्यामेहें याअ काजे नाहां मोकल्यू, के दुन्याआ न्याय निवाड़ू कोए, पोन तियाहा याअकाजे मोकल्यू के दुन्याआ तारण ओवुहूं जोवे.

1 योहान 5:11-13 आन ते साक्शी ए होय के, देवे आपुहूं अमर जिवन आप्योहो आन ओं जिवन तियाआ बेटाहहाम होय. जियाहा देवोअ बेटुहू जोड़्युहू तियाहा जिवन जोड़्योहो; आन जियाहा देवोअ बेटुहू ने जोड़्यु तियाहा जिवन ने जोड़्यो. देवोअ बेटाहहाअ नावोपोअ विश्वास मिकनारा तुमापोअ अमर जिवन होय, ओं तुमुहूं समजाअहूं जोवे कोत आंय तुमुहूं ओं लेखोहो.



उत्प 6 – 10

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Noiri-Bhil Bible (noi) ©The Word For The World
International and Noiri-Bhil Translation Samiti, Dhadgaon,
Maharashtra, India, 2025.

<https://live.bible.is/bible/NOIWWF/MAT/1>

©2026 Bible for Children, Inc.

www.M1914.org

www.bibleforchildren.org

